

The Makulongdi Express

Liangmai Daily Newspaper

“Mazibo niu ngamne”



Manu.Phenliangbou Abonmai nahpui riliu.Diuwiliu Abonmai niu Geography subject ga Gold medalist award haisi GP.Women College gasu daolu yeh.

Tripura Legislative Assembly gu elction haisi jengtung 16 karehiu gasu tad kiu mideh.voters 28.14 lakh registered thiu khai yeh. maipiu mainiu-14,15,233.khatdi maipui mainiu 13,99,289.



Zengtung 18 Karehiu 2023 Nidwannai Chiang PO Tamei ,Tml. Dist. Manipur Vol.II Issue 3 page 1

Pazan katadbo nai lung kawibo tu nangniu kadara bowe chiusai, pazan katadbo tu kada lulo. Kadincham 22:1.

BJP-NDPP niu Government form thiu mera yeh. Y Patton



Nagaland: deputy speaker Y Patton ,union minister of state for minority affairs John Barla khatdi BJP national spokesperson and Nagaland in-charge Nalin kohli paliu niu media tu adress thiujiu, pre-poll alliance gadi (NDPP-40)khatdi (BJP-20) kabam bosu thainai meen gu election gadi paliu niu govenment haisi form thiu lan raboi chiujiu din yeh.nkiu jiu post-poll sai ra kaki bo party tu alliance thiu lak mene chiu din yeh. John Barla khatdi Nalin kohli niudi BJP tu an-ti Christian yeh chiu din kabam bosu maji makyeh chiujiu din yeh.ST/SC gu list gasu luk pad meraboyeh chiu bosu maji mak geh,fake news yeh chiu jiu media khu ga din masan khai yeh.Opposition mainiu characheng tu thin lujiu BJP government tu majimakbo, fake news kasiam lujiu din

Longmei Area public convention niu noney ga Doctor pimachang khai khera kheng yeh.



Noney: Jengtung 16 karehiu nai Longmai Area pad khai yeh.paliu gu de- Public Convention niu mand haidi masan jiu concern authoity khuga,jeng Noney District headquater madai lungga Doctors ga Public convention haisi khatdi staff hina tu pijiu Village Council,Longmai wang station ga bam mera Area,RNCM Longmai tanjiu demand kam khai Luangrian,Naga Women meneh.nkiu jiu Ambulance Association Longmai Service haidi majat bolung Area,Inpui Naga ga pi khai ra demand thiu Women,Longmai Student khai meneh. public conven- Union,khatdi katam tambo tion khatdi CSOs niu CSOs mathiu arong lujiu chamtan katanbo resolved paliu gu chariu concern thiu lujiu,paliu gu demand authority khuga paokhai haisi concern Authorities niu meneh.district khatga doc- pikhai maksai national high- tors 8/9 khatdi Ayush Doc- way-37 khatdi tamtambo tor khat, Dental Surgeon National project dungtu khat chiujiu bam rabo thou kham kammera chiujiu yeh,chiu di Doctor khat ron chamsui khai meneh. na Noney PHC ga bam nkiu jiu Nurse haidi kawot bo jeng gasu public mai paliu lung thiu jiu concern Authority khuga pao

tad kin boyeh .John Barla politics ga njou makha boting pastor thiu jiu talop 5000 gasu lung khang maiyeh chiu jiu Nalin Kohli niu din san khai yeh..BJP government niu development ngam kam khai botura mashai lam khailujiu chamai kakeng ra characheng lam suniu phui mou jiu bam kha yeh.PM Modi gu leadership hang gasu North-East haisi tuhoi ra development ngam niu phui jiu bam meboyeh nkiu jiu naga-land haisi di yeh.



Luk Ananda Ksh niu Mister International title daolu mideh. CEO mister international khatdi mister international philippines organization ATTY.niu tathon pikhai meneh

Karingting Lunlung



@ @ @puiyooooo.....
jiujiuyeh valentines days loi mibijiu-
he.....

“Khengsibo haise singbang khatle, sichiujiu pamensira kha ye chiubamdi parasy ra humchang humme.”

Editorial

Liangmai gu kawibo palam rao khai ne:
 Lungsasibo, lungsiet haisi aliu liangmai khuga wadou di hamak geh.
 kuak khai khaisibo haisi aliu khuga bam tantan yeh.
 Lungmanonbo haisi aliu khuga bam meh.
 maitu chakhuang thi u si yeh.
 magenthiu maitu aliu nkha khai khai siyeh.
 Puipiu kaha maileng aliu kheng tan tan yeh.
 Lungchun masan yeh liangmai
 Lungchun kasabo hayeh liangmai
 Lung agi manai yeh liangmai
 maitu khan tia mak geh liangmai
 kiriu khaira wang maitu aliu taliu mawe khai biyeh.
 Liangmai jat hai chuncham yeh.
 Liangmai ra khatkhat tu kathuat siyeh.
 Liangmai thiulu bosu nang i aliu mathiu san wi mak ma?



**OFFICE OF THE
LIANGMAI CHRISTIAN CENTENARY CELEBRATION**
 Officiary: LNBA-M Mission Centre | Chiang, Tamei – 795125
Heritage Of God's Love

16-02-2023

To,


The Liangmai Pastors/Catechists & Intellectuals,
 Under LNBA-M, ELBA, SBA, SDA, Roman Catholics
 Independent Churches, Good Samaritan
 & Committees of LCCC & ALCCC

Ref: LCCC Program Review

Tingwang gu agi-manaibo niu mathiu tu adou khai ye.

Tad mibo jengtung 14-02-2023 bonai LNBA-M SCC, Namdilong ga aruang khai lubo gu chamsui sai suljiu Liangmai Christian Centenary Celebration gu duan ga aliu wang aruang lujiu LCCC gu Tienriam lam ga npou ncham khaira leng kukhaibo we. Makhiam raleng riet khaibo tu mathiu maning kung khaijiu pawan machak khaibo ga hawang khallo.

Pabam	: Bena Tababang Baptist Church, LNBA-M
Tingmik	: 21-02-2023
Pawan	: 11:00 am
Nson siu	: 09:30 am



Rev. Ch. Widabou
Chairman, LCCC

MATHEN CHAM



Santosh Trophy 2022-23: Manipur niu West Bengal-tu goal 4-1 khaijiu round pasumbo group B fixture ga ngam luyeh. Kalinga stadium bhubaneswar, Odisha gasu jengtu 16 karehiu nai mathen boyeh.

Chalad N-buong

Nniukhuang= Tatien thiukhai mibo, tadmibo racham dung maningtou jiu mangai makra taliu padbo Ariak khuang tu dinbo we. Souvenir.

**OPEN
PENALTY SHOOTOUT
TOURNAMENT**

Under the aegis of Konsakhul Sports Federation

In honour of
Shri N. Biren Singh
 Hon'ble Chief Minister of Manipur
 for Constructing the historic Twin Ground at Konsakhul

First Round : Best of 3
Second Round : Knock out Stage




Kick the ball and refresh your mind at Konsakhul Picnic Spot

march
3 & 4 2023
Phone : 9862150832
6909878707

1 Lakh
First Prize
Registration Rs. 5000

